

Ubumi

Ipepala 10

hello@dignityonline.org.uk

+447340 573 937

Peeleni no Mutima Onse

Umutumwa Paul, umusambi wakwa Yesu uwamaka nganshi, ewashimpile ulukuta lwa ku Makedonia. Lwali lukuta umwali fye abantu abaikele mu 'bupina icine cine'. Tababa beka iyo. Kwaleba abantu abalekonka Yesu abapina sana munkulo shonse fye ishapita. Abena Makedonia balekumanya amafya kabili tabakwete icuma icingi nelyo indalama ishingwi. Kabili bali bakape kape icine cine. Muli 2 Korinti 8:1-7 tubelenga ilyashi ilya maka sana pali bena.

Abena Makedonia bali no bupe ubwacila na pafintu abantu bambi balesubila ukuti efyo benga pela. Tabalepela fye ifintu ifyalepulako pa fyo balekabila nangu ifintu ifyo bengangukilwa ukupela. Ibukisheni ukuti bali abapina sana na bantu abengi pakati kabo bali fye incushi. Lelo bali abaipelesha ukupela ukwakupapa. Emulandu Paul abalumbwilile ukuti ecilangililo ca kupela. Paul asosele ifi pa mulandu wabo: "Pantu ndebabela inte ukuti bapele ukulingana nefyo benga pela, elyo kabili ukucila fye na pa maka yabo yene. Kukuitemenwa fye abene beka, batupapatile ukuti bapelwe ishuko lyakwa kanako mu bupungishi ku bantu bakwa Shikulu."

Cilemoneka kwati kutontonkanya ukwafulamuka! Cili kwati baleti, 'Tuli bapina kabili tatwakwata ifingi eico na tupeleko abantu bambi.' Mulandu nshi bacitile ifi? Ilembo litile, "ukusekelela kwabo ukwingi no bupina bwabo bwine fyapongolokele mu bukankala bwabukape kape". Bakwete icitetekelo ne subilo sana muli Lesa icakuti ca balengele ukukwata icitemwiko pa bantu bambi no kulapeela apakalamba mubupina bwabo bwine. Baletunga abantu bambi ukuba abalinga ukubomfya indalama shabo ukucila abene. Ninshita shinga tutontonkanisha muli uyu musango?

Icishinka icawamisha muli ili lembo cakuti ifwe bonse, nelyo tuli abapina nelyo abakankala, tulefwaikwa ukupepa Lesa na bukapekape bwesu bwine. Ili ilembo talilenda pa muntu umo fye ukupela eka, libumba lya bantu abasumina bonse ukupela capamo. Inshita ishingwi cilakosa ukucita ifintu fwaka. Limbi mutontonkanya amuti, 'Mulandu nshi ningapelela no kupela ilyo kuti napela fye akanono?' Ukubombela pamo kuti twacita ifikulu. Nga twabika icabupe cesu pamo ne fya bupe fya banensu akanono kesu kakakula sana. Aya emaka yaba mukupelela pamo mwi bumba. Cintu ca anguka sana ukulolesha pa fitusingulwike, te mulandu ne fyo ifintu fili, saleni nga mwinga pela nangu ukukana pela ku bantu bambi. Bushe ninga mikoselesha ukupela pamo ku bantu bambi, cimo cine fye nefyo ulukuta lwa ku Makedonia lwali?

Bikeni Muku Cita!

ICikankala pa mulandu wa kupeela cakuti kuti twatendekela fye apo pene tubelele! Ne bumba lyenu, nelyo ibumba lya banenu, saleni ukupela nga Ulukuta lwa ku Makedonia ku bantu abapina ukucila pali imwe. Cinshi teti musonkele indalama, ifyakulya, nelyo ifintu fimbi ifya kupela ku bantu abapina ukucila imwe aba mumushi wenu nelyo mu cipanda? Kuti mwapela ifya kufwala, inshita, na kuba ifintu fye fyonse, cikulu nafimisendelapo cimo kabili mwapela no mutima onse. Conse ico mukapela cikafwilisha sana.


Pepeni ukutila:

- 1) Lesa akasenda icabupe mulepela no kucisandulula ukupala abo mulepela.
- 2) Ilyo mwapela mukasanga insansa ishafulisha!



Kapyunga Esau* asangilwe ku masambililo ye Bumba Lyabumi nombamba linefye. Aumfwile ukukoseleshiwa sana pa fintu aile umfwa eico apele indala N\$120 (\$8) ku baletungulula ukulongana. Kapyunga Esau nga ali bomfesho isho indala mukusangilamo ifintu ifingi sana ifyo alekabila, lelo asalile ukupala umulimo no kwafwa abantu bambi ukusambilila pa Mabumba Yabumi, ukubikisha mu cipanda cakwe.

- Kapyunga Esau,* Yinsu, Namibia



Isambilo ili lya fumine muli "Ukupela nga Ulukuta lwa ku Makedonia" isambililo ilisangwa muli Temwa Umushi Obe.

Kuti mwasanga na fimbi apa:
dignityonline.org.uk/publications

*Ishina lya licinjishiwe pa kucingilila inkama yamwine